


# Sasaarōan ne Vere Kakre ne Ōrr Tolamb


Blaise Tao nge ma rrhu  
sasaarōan ge li



Tasau Tasale nge ma rrhu nonon  
sasaarōan ge li

RIKAON  
LEVEL 8

Ministri ne Yekyaan te Wuhuran  
Rebablik ne ōrr Vanuatu






Marin konkon, vanten err fwer rru ran  
vere kakre ne ūrr Tolamb. Vanten nan  
nyer err ho lon rongne buan ngamtō.


Te yafu hu ran vere ge le te yekya  
rruan tiyu ho ge tōlōn rrō saarōne.


Nge te yekya ge eba rrwene tee ge eb  
koōfo vere ge le.



Yafu ge le tin meleng tee ru ho. Nyerō lorō te a jejee tamne tenyaman rru lon bub ūrr kirinen mwenarō vyu rrnyarryam.


Ngamtō yafu ge le te rrō sur ketekte ntin nyerō ge, “Bone ge emrō rrō bangbang emrō lon hubrri verr ge mu rru farrba liye ge i en tahin mangsul im.”






Ran wobung hu, teere meleng ge nyerō  
le mōrō homne muyum hu, te ma kra  
bya fyan verr ge le.

Terō rrumyune sur ketean mwena  
temyarō ngate mōrō hal kela verr gele.



Belbel ten nga, tee te tamtee en ūrr ge  
verr ge le te fu rru en.




Temyarō te nga mku kya me ge bu  
suling me le verr ge le.

Te tee te gurr te hel ten ge te koōfo  
vere ge le.



Tee te fwer gorō vere ge le ngate  
vanten bonga err loo bya ran tan ge  
rrlam ge be ōrr Fyantee.



Nyer err vya rrwene besaō vivi hu  
mōn en ūrr ge le Fyantee. Err jene sān  
mwenar ūrr besaō nge Nasara.

